

www.BibleForChildren.org

Matyu 26



Buc vigê vilu di
sec ti gên yêp di
obêc buc Pasova, di
Yesu lax mî la Betani
wê tipi vô Lasalas kidi lec
maviha vac yibên ge. Mêd
Malia kô mia nivivea nivaha
vac butol ti. Mia tige he
kîsuu lec mone levac mabu.
Mêd Malia kô mî la too lec Yesu
vixa di kitya ya nibaviluhu. Om mia
nivivea tige la pup vac xumac nilô.



Judas Iskariot ge Yesu nu ngivihi ti, lêc la vô xomxo
levac wê mi si daa gee, ên nêb ob vông Yesu i loc vac
he vigê. Mêd he ngô kiyang wê
Judas nêl ge di nilô vô nivitha,
om he hîlu kiyang xôn nêb ob
vông mone ya vô Judas.
Mêd Judas myag môp
wê ob vông Yesu
vac he vigê ge.




Yesu nêl bêge, om nue ngivihi la
vông i tiyi wê i nêl ge di la viac
yaên wê he ob ya ge. Yesu he nue
ngivihi dô mî ya, mêdêc Yesu hêm
blet ti di kitaa lec, mêdêc hîbu di
vông vô he di nêl ên nêbê, “Xam
hôm mî wa. Ga a nignivi.”




Nang dêc hêm kap wê mia wain le
vac ge, di kitaa lec, di vông vô he
di nêl ên nêbê, “Xam vihati hêm mi
num, ên ga a hi wê ob vông kiyang
wê Anutu hîlu ilage vô nôn lec. Om
a obêc kip yax a hi sea ên i kitya
xomxo tibeac nê nipaên vêl.”



Yesu nêl vô Saimon Pita ên nêbê, “Saimon, ngô lê.
Seten nêl ên nêbê ob yaxên xam, om Anutu tyuc lec ên
nêb i yaxên. Lêc a kitaa vô Anutu lec ông ên a nêbê
ông o lêc sea vông vinên lêm. Dì buc wê ông ob pilepac
ông mị lax vô Anutu ge od ông ngidu lime nêl vông
vinên xôn.”



Lêc Pita nêl vô i ên nêbê, “Apumtau, a obêc loc hixôn ông. Wê tibii ob vông ông la vac kalabuhu me hi ông wib ge, od a ob kô myavinê hixôn ông.” Lêc Yesu nêl vô i ên nêbê, “Pita, a ob nêl vô ông bê vô bucên tya ga kokilêx vôn vya obêc gên ma di ông ob yax a vun lu yon bê ông lungên a.”



Yesu he nue ngivihi loc mi la
vigwe ti lê nêbê Getsemani,
di Yesu nêl vô nue ngivihi
ên nêbê, “Xam dô ga ên
a ob la ganê ên la kitaa.”
Om kitaa bêga nêbê, “O
mag, ông tìyi wê ông ob
vông môp vîhati ge, om a
nêb ông vô vîyin tige vêl ên
a, lêc ông o lêc vông i tìyi
wê a nêb ông vông ge lêm.
Nge, ông vông i tìyi xovôên
wê ông vông ge.”




Om Judas kô tîbii vevac Lom kidu ti dî kô xêhipu wê
xomxo levac daa siên hixôn he Palisi vông ge mi he la,
mêd he dii ngwax dî kilê susu vevac dî mila vac
vîgwe tige. Lêc lutibed nu ngivihî ti hôm
yipac dî sap xomxo levac wê mi si daa
ge nu yuac ti nînya lihi vîlu hîyôv
vêl. Lêc Yesu nêl ên nêbê,
“Môp bêge i ma.” Mêd vyax
vîgê lec xomxo tige nînya dî
i vô nivîha lec.



He hôm Yesu xôn đi kô i mĩ la vô xomxo ti wê tu xomxo
daa siên nêñ levac ge om he mĩla vac xomxo levac tyo
ben, đi Pita timu vô he vĩa lêc le lam
teva teva. Mêđ xomxo wê
đô vac xomxo levac tige
ben ge vev ngwax lec
wetôv đi nyuu mĩ dô, đi
Pita la dô hixôn he.



Mêd xomxo ti wê tu
xomxo daa siên nê
levac ge, nue yuac ti
dô. Nu yuac tige lie ti
wê Pita sev ninya lihi
vêl ge om nu yuac tige
nêl vô Pita ên nêbê,
“A xê ông dô hixôn i vac
yuac lôma.” Lêc Pita yax
Yesu vun tii vac đi lutibed
kokilêx vô vya. Pita xovô wê
i vông i so ge om sea vigwe
tige dila byag levac.



Xomxo levac vihati kidi lec di kô Yesu
mi la di la lax vô Pailat manôn.


Mêd Pailat kinêg vô Yesu ên nêbê,
“Ông ge king wê he Yuda vông ge,
me?” Mêd Yesu lee yuu ên nêbê,

“Ông nêl i la tiyi.” Pailat
nêb ob piwelac Yesu om
nêl bêge vô xomxo tibeac
tigee nang, lêc he tyuc vya
levac nang ên nêbê,

“Hi i yib lec xax pola.
Hi i yib lec xax pola.”




Om Pailat vông Yesu la vac he vigê
ên nêb he i tul i lec xax pola. Mêgem
he kô Yesu mî la, mêd Yesu kilê xax
pola wê he ob hi i lec ge dî sea
vigwe Jelusalem dî mila vigwe ti wê
he nêl lê vac Yuda vya nêbê
Golgota, kehe bêga nêbê bazub len.



Mêd he tul Yesu lec xax pola vac
vigwe tige, di tul tibii yuu lec xax
hixôn Yesu, om Yesu yux vac
mahigun di tibii
yuuo ge, ngwe
yux vilu di
ngwe yux vilu.



Mêd nivimihi levac ti wê yux vac Anutu xumac ngibua
ge lêx la yuu vac mahigun. Mêd Yesu tyuc vya levac ên
nêbê, “O Mag, a kinug i loc vac ông vigêm.” Nêl bêge
pyap mêd yib.



Mêd vigwe huc, om Josep wê ben Alimatia ge la vô Pailat. Josep ge kaunsil ti om mi dô vac kitucmaên hixôn Yuda levac levac di xomxo yê i nêb i xomxo nivîha ti. Josep dô bin buc wê Anutu nu ob lam tu king gê kibun ga.

Mêd Josep xonaên ma di loc mi la vô Pailat di la kitaa i ên nêb i vông Yesu ninivi vô i ên i ob la lii vac lôva.



Mêd Josep la kisuu nivimihi kwem ti
mêd la kwax Yesu vêl ên xax di
viyum vac nivimihi tige di kô
mî la lii vac lôva wê he
kiden vac ngidax ge ti.
Pyap dêc vixog ngidax
levac ti la le vac
lôva mya xôn.



Buc wê he Yuda mi viac yaên wê he ob
ya lec buc sabat ge lam la vêl, di
títige xomxo levac wê me
si daa gee hixôn he Palisi,
he la kitucma vô Pailat,
di nêl vô i ên nêbê,
“Xomxo levac, xe
xovô kiyang wê
xomxo kityooên
tige nêl vô buc wê



gên dô
maviha ge.”



“Xomxo tyo nêl bêga ên nêbê, ‘Buc yon obêc lam la vêl lê, lêc a obêc kidi lec magviha.’”

Om he mila pitii lôva mya xôn di vông vibuênxêkizêc ta di xomxo le bin.



Buc sabat lam la vêl di da pitoc yang,
dêc Malia Makdala yuu Malia ngwe,
yuu la ên nêb ob la yê lôva.
Mêdêc lutibed ngiyêg mabu
yoc, ên Apumtau nu
angela ti lop mi lam gê
lag puunê di lam
vixog ngidax la vêl
ên lôva mya, di la
dô lec ngidax tige
kisii.

Om xomxo wê viac
lôva gee yê di xona
mabu di yetac di
tilii sea mi la yêp
kibun tiyi xocbê
xomxo yibên.



Lêc angela tige nêl vô vêx yuu ên
nêbê, “Muu xona ên i ma, ên a xovô
wê muu myag Yesu wê he hi
lec xax ge. Lêc o dô ga lêm,
ên kidi lec maviha tiyi
xocbê kiyang wê i nêl
ge. Muu lam wê
vigwe wê yêp
lec ge.”



Yuu xona mabu, léc yuu xêyaa vô nivîha, dî
yuu sea lôva lutibed dî tup mî la ên nêb
ob la nêl kiyang tige kitong vô Yesu
nue ngivîhi. Yuu lax mî la, léc Yesu
mîla vô yuu vac môp dî nêl vidiiên
vô yuu. Om yuu val le kwabo vô
Yesu dî vyax vigê lec Yesu
vîxa dî pimil i.



Nang dêc Yesu nue ngivihî vigê yuu dî ti tô mî la ge dô
dî ya yaên, lêc Yesu mîla vô he mêd nêl kiyang xêkizêc
vô he ên wê he nîlô xêkizêc dî he o vông i vin lêm ge,
ên xomxo wê yê Yesu vô buc wê kidi lec mavîha ge nêl
kîtong vô he lê, lêc he o vông i vin lêm. Apumtau Yesu
nêl kiyang vô nue ngivihî pyap, dêc Anutu kô i mî la lag
puunê dî i la dô vô ma Anutu vigê hiyôv.



Anutu xo vigwe pisiv ên xomxo kibun
ga vihati luu vêl om vông nu tuc
tived lam, ên nêb xomxo obêc
vông i vin i ge od he obêc yib
mì la vac nipaên lêm. Nge,
he ob dô maviha
luta lêc luta.



Lom 3:23

Nge, il vihati yang, il vông môm nipaên, om il o tiyi wê il ob tulec xêseac wê Anutu vông ge lêm.

Lom 6:23

Ên môm nipaên ob vông myaviwen nipaên vô xomxo bêga bê he ob yib. Lêc vizid wê Anutu vông pileva vô il ge bêga ên nêbê il lig Apumtau Yesu Kîlisi lam yib ên il nêd nipaên om il ob dô madviha luta lêc luta.

Hiblu 9:27

Xomxo vihati ob yib lu tîbed, nang dêc Anutu ob yaxên môm yuu kiyang wê he vông ge.



Epesas 2:8,9

Il vông i vin Kĩlisi om Anutu xo vɔgwe pɔsiv ên il dɔ vɔ il vêl ên il nêd nipaên. Lêc Anutu o vông vɔzid tige vɔ il ên môp nivaha ti wê il vông ge lêm. Nge, vông pileva vɔ il. Ên il nêd yuac nivaha ti yêpên ma wê ob kɔsuu Anutu ên i kɔtya il nêd nipaên vêl ge. Om xomxo ti o tɔyi wê ob yong i vɔ Anutu ge lêm.

Lom 10:9,10

Om xomxo ti obêc nêl Yesu kitong seac vac mya bêga ên nêbê, “Yesu ge Apumtau” dɔ obêc vông i vin nêbê Anutu tɔpi vɔ Yesu kɔdi lec vac yibên ge od Anutu obêc kɔtya i nêd nipaên vêl. Ên il obêc vông i vin ge od Anutu ob yê il nêb il xomxo nivaha, dɔ il obêc nêl vông vinên kitong i yêp seac vac myad ge od Anutu ob kɔtya il nêd nipaên vêl dɔ vông il dɔ vac nivaha.



Jon 3:16,17

Anutu xo vîgwe pîsiv ên xomxo kibun ga vihati luu vêl om vông nu tuc tîbed lam, ên nêb xomxo obêc vông i vin i ge od he obêc yib mî la vac nîpâên lêm. Nge, he ob dô mavîha luta lêc luta. Ên Anutu o vông nu tuc lam kibun ên nêb i lam vông myavîwen nîpâên vô xomxo lêm. Nge, vông i lam ên nêb i lam hêm he lec.

1 Jon 5:11-13

Kiyang wê Anutu nêl lec Yesu ge bêga nêbê Anutu ob vông il la dô mavîha luta lêc luta, dî mavîha dôên kehe ge nu tuc Yesu Kîlisi. Om xomxo wê vông i vin Yesu dî tu i nue ge, od obêc la dô mavîha luta lêc luta, lêc xomxo wê o vông i vin Yesu lêm ge od obêc la dô mavîha lêm. Kiyang ga vihati, a kivuu vô xam wê xam vông i vin Anutu nu ge, ên a nêbê xam xovô bê xam kô mavîha luta dôên pyap, om xam obêc dô luta lêc luta.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest

Adapted by: Lyn Doerksen

Patep NT (ptp) © 1986, Wycliffe Bible Translators, Inc.
All rights reserved.

<https://live.bible.is/bible/PTPWBT/MAT/1>

©2025 Bible for Children, Inc.

www.M1914.org

www.bibleforchildren.org

